



Bosna i Hercegovina
Federacija Bosne i Hercegovine
Zeničko-dobojski kanton
Javna ustanova
Dom zdravlja Breza
Broj: 01-761/2021
Breza, 11.05.2021 god.

Općina Breza
Stručna služba Općinskog vijeća

PREDMET: Odgovor na vijećničko pitanje

Na šestoj redovnoj sjednici Općinskog vijeća, održanoj dana 29.04.2021.god., vijećnik i predsjedavajući Općinskog vijeća Rihić Anel je postavio vijećničko pitanje koje sadrži 3 podpitanja.

Poštovani,

Od proglašenja pandemije od strane SZO (WHO) 2020. godine sve zdravstvene ustanove u FBiH sve aktivnosti u spriječavanju i suzbijanju pandemije provode u tijesnoj koordinaciji sa Federalnim ministarstvom zdravlja, Zavodom za javno zdravstvo FBiH, Ministarstvom zdravlja ZE-DO kantona, Kriznim štabom ministarstva zdravlja ZE-DO kantona, Institutom za zdravlje i sigurnost hrane te Službom za epidemiologiju i higijenu ZE-DO kantona. Od gore navedenih institucija sve zdravstvene ustanove dobijaju naredbe, preporuke i odluke koje su dužne da ispoštuju. Kada je riječ o Vašem pitanju, vezano za provođenje vakcinacije u toku pandemije COVID-19, dajemo sljedeći odgovor.

Vaše prvo pitanje je glasilo: "Koliko je JU "DOM ZDRAVLJA" Breza zaprimilo vakcina COVID-19?"

Odgovor: U JU "DOM ZDRAVLJA" Breza dostavljeno je 287 doza vakcina za primovakcinaciju (Primovakcinacija ili prva doza. U nastavku teksta samo primovakcinacija) i 75 doza za revakcinaciju (Revakcinacija ili druga doza. U nastavku teksta samo revakcinacija). Sve dostavljene vakcine su donacija.

U nastavku Vam izlažemo detaljan program dosadašnje vakcinacije:

10.03.2021. – zaprimljeno 20 doza AstraZeneca vakcine.

19.03.2021. – zaprimljeno 20 doza AstraZeneca vakcine.

30.03.2021. – zaprimljeno 24 doze Pfizer-BioNTech vakcine.

Prethodno navedene količine zaprimljenih vakcina iskorištene su za vakcinaciju zdravstvenih radnika i drugog pomoćnog osoblja u JU "DOM ZDRAVLJA" Breza, zaposlenika JU Apoteka Sarajevo u Brezi, zaposlenika MGM apoteke u Brezi, zaposlenika stomatološke ordinacije Salčinović, stomatološke ordinacije Salkić, stomatološke ordinacije M-Dental te za vakcinaciju Ahmedaspahić Ajle – studentice Medicinskog fakulteta u Sarajevu.

06.04.2021. – zaprimljeno 90 doza AstraZeneca vakcine.

14.04.2021. – zaprimljena 51 doza Sinovac vakcine.

Prethodno navedene količine zaprimljenih vakcina iskorištene su za vakcinaciju osoba starijih od 75 godina, te za ranjivu populaciju sa hroničnim bolestima (onkološki bolesnici, dijalizni bolesnici, dijabetičari-inzulin ovisni, kardiološki bolesnici itd).

20.04.2021. – zaprimljeno 24 doze Pfizer-BioNTech vakcine za revakcinaciju zdravstvenog osoblja.

06.05.2021. – zaprimljena 51 doza Sinovac vakcine za revakcinaciju stanovništva čija je primovakcinacija izvršena 14.04.2021.

06.05.2021. – zaprimljeno 82 doze Sinopharm vakcine za primovakcinaciju ranjive populacije sa hroničnim bolestima te osoba starijih od 65 godina. Vakcinacija izvršena 10.05.2021.

U mjesecu junu i julu planirana je revakcinacija zdravstvenih radnika čija je primovakcinacija izvršena 10. i 19.03.2021. i također revakcinacija stanovništva čija je primovakcinacija izvršena 06.04.2021. Navedeni podaci odnose se na AstraZeneca vakcinu.

Zbog najava u medijima, da nam slijedi dostava veće količine doza vakcine Pfizer-BioNTech, putem COVAX mehanizma, iskreno se nadamo da ćemo pristupiti široj vakcinaciji i radno aktivnog stanovništva (policijski službenici, vatrogasci, prosvjetni radnici itd).

Vaše drugo pitanje je glasilo: "Da li je napravljen plan vakcinacije ciljanih grupa?"

Odgovor: Plan vakcinacije je dostavljen od strane Instituta za zdravlje i sigurnost hrane - Služba za epidemiologiju i higijenu, 12.01.2021. Isti Vam dostavljamo u prilogu.

Domovi zdravlja ZE-DO Kantona dužni su da poštuju isti i da se drže smjernica izdatih od strane Federalnog ministarstva zdravstva. Bitno je istaći da broj vakcina koji pristiže u JU "DOM ZDRAVLJA" Breza nije namijenjen samo za primovakcinaciju nego je potrebno pratiti i plan revakcinacije izdat od strane nadležnih Institutacija.

Vaše treće pitanje je glasilo: "Koliko je do 30.04.2021. vakcinisanih građana, te da li se vakcinišu uži članovi domaćinstva uposlenika DZ Breza?"

Odgovor: Broj zaprimljenih i iskorištenih vakcina naveden je u odgovoru na prvo pitanje.

Zaključno, kad izuzmemmo zdravstvene radnike, do 30.04.2021. vakcinisana je 141 osoba iz opšte populacije.

Uži član porodice zaposlenika u DZ Breza koji se vakcinisao je Čubro Ajdin.

S poštovanjem!

Koordinaciono tijelo za praćenje i sprečavanje širenja COVID-19

Prim.spec.dr. Fikret Salchinović, direktor

Dr. Salih Tandir, spec.epidemiologije

Dr. Selma Omanović Hasečić

Safeta Kulaglić, glavna med. Sestra

Sabir Jekalović, predstavnik HES službe

Dostavljeno:

1x Naslovu

(putem e-mail-a na: vijece@breza.gov.ba)

1x a/a



INSTITUT ZA ZDRAVLJE I SIGURNOST HRANE

SLUŽBA ZA EPIDEMIOLOGIJU I HIGIJENU

Broj : 02-138/21

Zenica, 12.01.2021.god.

SVIM ZDRAVSTVENIM USTANOVAMA

KBZ ZENICA, OB TEŠANJ, DOMOVIMA ZDRAVLJA, ZAVOD ZA MEDICINU RADA, ZAVOD ZA BOLESTI OVISNOSTI, PRIVATNIM ZDRAVSTVENIM USTANOVAMA

n/r – Direktoru

PREDMET : Aktivnosti na planu imunizacije protiv COVID-19

Poštovani,

Radi očuvanja javnog zdravlja i ostvarenja optimalnog upravljanja Covid-19 kroz imunizaciju uvođenje programa imunizacije protiv Covid-19 zahtjeva koordinaciju među različitim zdravstvenim programima i institucijama.

Svaka zdravstvena ustanova mora imati :

1. Operativni tim za provedbu plana imunizacije protiv COVID-19
2. Timove za vakcinaciju

Potrebno je **ODMAH** оформити оперативне timove i dostaviti Institutu za zdravlje i sigurnost hrane (služba za epidemiologiju i higijenu alis.kozica@inz.ba) imena lidera timova i njihove kontakta (mail adresa i broj telefona).

Potrebno je napraviti spiskove za imunizaciju slijedećih skupina :

1. Zdravstveni radnici i drugo pomoćno osoblje koje radi direktno sa COVID oboljelima
2. Ostali zdravstveni radnici (uključujući i drugo pomoćno osoblje, npr. radnici zaduženi za čistoću)
3. Osobe i osoblje u socijalnim ustanovama za smještaj starije populacije

Rok za dostavu broja osoba koje će se vakcinisati iz ovih skupina je do 20. januara 2021.godine, takođe je potrebno dostaviti broj i onih koji odbijaju vakcinaciju.

Iz svake skupine ponaosob broj koji će se vakcinisati i koji neće.

4. Ranjiva populacija sa hroničnim bolestima
5. Stariji od 65 godina
6. Zdrave osobe od 18-64 godine koje rade u značajnim javnim službama (obrazovne institucije, policija, oružane snage, vatrogasci, civilna zaštita, javni prijevoz itd.)

14/01 2021 10:53AM FAX


Rok za dostavu broja osoba koje će se vakcinisati iz ovih skupina je do 20. februara 2021. godine, takođe je potrebno dostaviti broj i onih koji odbijaju vakcinaciju. Iz svake skupine ponaosob broj koji će se vakcinisati i koji neće.

Imunizacija za zdravstvene uposlenike provodiće se u ustanovama u kojim rade, a ostala populacija u domovima zdravlja kao i kod sezonskog gripa.

Stav Svjetske zdravstvene organizacije za one osobe koje su prebolevale COVID-19 preporučeno je da se i oni vakcinišu.

S Poštovanjem,

dr Alis Kozica
spec. epidemiolog



DIREKTOR
Prim. dr. Senad Huseinagić



Služba za privredu

Broj: 02/1-8- 19- /21
Breza, 19.05.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana 29.04.2021. godine, vijećnik Mirnes Bašić postavio vijećničko pitanje, koje glasi:

„Da li je JP „Komunalno“ d.o.o. Breza dužno vršiti odvoz komunalnog otpada sa sa izletišta u okolini Breze“.

U vezi postavljenog vijećničkog pitanja, dajemo sljedeći odgovor :

Općinskom Odlukom o utvrđivanju područja na kojima se obavezno vrši prikupljanje i odvoz komunalnog otpada utvrđena su područja na kojima se obavezno prikuplja i odvozi komunalni otpad, postupak prikupljanja i odvoza komunalnog otpada, provođenje nadzora i kaznene odredbe.

Komunalnim otpadom u smislu ove Odluke smatra se otpad iz kućanstava i otpad koji je po svojstvima i sastavu sličan otpadu iz kućanstva, a nastaje u privredi, ustanovama i uslužnim djelatnostima. Komunalnim otpadom u smislu ove Odluke smatra se i otpad koji nastaje čišćenjem javnih površina, te glomazni otpad koji nastaje u kućanstvu.

Korištenje komunalne usluge prikupljanja i odvoza komunalnog otpada iz stambenih i poslovnih objekata i poslovnih prostora na deponiju obavezno je za cijelo područje Općine Breza.

Kada je u pitanju obaveza prikupljanja otpada sa izletišta na području Općine Breza do sada ni u jednom dokumentu koji je donesen u ovom smislu nije direktno utvrđena ova obaveza. Međutim, po pozivu ili zahtjevu zainteresiranih strana za čišćenje izletišta otpad se redovno preuzimao i zbrinjavao od strane komunalnog preduzeća.

Obzirom da su u toku aktivnosti na reviziji Godišnjeg Programa obavljanja komunalnih usluga zajedničke komunalne potrošnje, potrebno je sagledati mogućnost da se i čišćenje izletišta na području Općine Breza ugradи u Program za narednu godinu.

Dostavljeno
1 x Naslov
1 x evidencija
1 x a/a

Pomoćnik načelnika
Salih Hasanspahić





Služba za privredu

Broj: 02/1-8- 19-1131/21
Breza, 19.05.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana 04.2021. godine, vijećnik Mirnes Bašić postavio vijećničko pitanje, koje glasi:

„Ko je dužan sanirati iskope na asfaltnom putu koje su napravili operateri „Telemah“ i „BH telekom“ prilikom određenih radova oko svojih razvodnih ormara ili oko bandera“.

U vezi postavljenog vijećničkog pitanja, dajemo sljedeći odgovor :

Radovi na javnim površinama mogu se izvoditi samo na osnovu Rješenja nadležne Općinske službe-Služba za prostorno uređenje, zaštiti okoliša, geodetske i imovinsko-pravne poslove, koje se izdaje po zahtjevu investitora, vlasnika ili upravitelja instalacije, koja treba da se ugrađuje, rekonstruiše ili sanira. Rješenjem se između ostalog utvrđuje obaveza dovođenja javne površine u prvobitno stanje. Jedan primjerak rješenja dostavlja se komunalnom inspektoru koji prati izvršenje rješenja. Komunalni inspektor u vršenju inspekcijskog nadzora nad izvođenjem takvih i sličnih radova na javnim površinama, utvrđuje mјere na otklanjanju nedostataka u toku izvođenja radova i eventualno provodi sankcije za ne izvršavanje utvrđenih mјera.

Sve naprijed navedeno utvrđeno je u članu članu 38. Odluke o komunalnom redu, koji glasi:

Radi očuvanja javnih saobraćajnih površina zabranjeno je:


- bilo kakvo oštećenje javnih saobraćajnih površina ili objekata i uređaja koji su njihov sastavni dio,
- izvođenje bilo kakvih radova bez odobrenja nadležnog organa.

Komunalni inspektor izdat će rješenje za obustavu radova koji se izvode bez odobrenja i narediti dovođenje javne saobraćajne površine u prvobitno stanje.

Dostavljeno
1 x Naslov
1 x evidencija
1 x a/a

Pomoćnik načelnika
Salih Hasanspahić





JAVNO PREDUZEĆE "KOMUNALNO" D.O.O. BREZA

UL. ZAVNOBiH- a br.6 71370 Breza

Broj: 03-1321-1/21

Breza: 17.05.2021.godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA BREZA
OPĆINSKO VJEĆE
-Stručna služba Općinskog vijeća-

PREDMET: Odgovor na vječničko pitanje, dostavlja se.-

Poštovani,


U prilogu akta Vam dostavljamo odgovor na postavljeno vječničko pitanje na sjednici koja se održala 29.04.2021.godine od vjećnika Mirnesa Bašić.

S poštovanjem!

Dostavljeno:
1 x Naslov,
1 x Odjel za naplatu,
1 x a/a.



Direktor:
Mr Edin Kadrić, dipl.ing.maš.



JAVNO PREDUZEĆE "KOMUNALNO" D.O.O. BREZA

UL. ZAVNOBIIH- a br.6 71370 Breza

1. Da li je komunalno preduzeće dužno kupiti smeće sa izletišta u okolini Breze. Ovo se posebno odnosi na smeće koje je „ubrano“ u vreće za isto. „Ubrano“ smeće je odložno u obližnje žbunje te se ponovo rasipa i raznosi po izletištu. Izletišta obilježiti adekvatnim tablama određenim natpisima shodno izletištu na kojem se postavlja.

Poštovani vjećničе,

Zahvaljujemo se na postavljenom pitanju, te s tim u vezi moramo vas izvijestiti da je ovom preduzeću, naloženo od strane Općinskog vijeća, prikupljanje i odvoz komunalnog otpada sa područja cijele općine Breza.

U skladu sa Odlukom o utvrđivanju područja na kojima s obavezno vrši prikupljanje i odvoz komunalnog otpada br: 01/1-02-626/13 od 30.05.2013.godine, sva fizička i pravna lica dužna su povjeriti komunalni otpad ovom preduzeću, a provedbu navedene odluke kao i Odluke o komunalnom redu sprovodi sanitarno- komunalni inspektor, a samim tim izriče i sankcije te predvidene novčane kazne za sva fizička i pravna lica koja ne poštuju navedenu Odluku.

Ovo preduzeće je u skladu sa Planom odvoza komunalnog otpada, a koje je u skladu sa pozitivno pravnim propisima, odredilo mjesa gdje su locirane posude za odlaganje otpada, pa i što se tiče izletišta. Također, moramo napomenuti da Općinsko vijeće Breza, a kad su u pitanju vikend naselja i izletišta, nije donijelo odluku po kojoj bi se vršio obračun ove komunalne usluge.

Ovo preduzeće nije dužno iz žbunja ubirati navedeni otpad jer onda bi ova usluga imala drugo obilježje, kao ni nadležno za postavljanje i obilježavanje bilo kakvih tabli sa natpisima.

S poštovanjem!

Dostavljeno:

1 x Naslov,
1 x Odjel za naplatu,
1 x a/a.



Direktor:
Mr Edin Kadrić, dipl.ing.maš.



Služba za finansije, inspekcijske poslove i opću upravu

Broj:03/1-15-10-1221/21
Breza, 07.05.2021. godine

Stručna služba Općinskog vijeća
- ovdje

Predmet: Odgovor na vijećničko pitanje, dostavlja se
(Veza Vaš akt br:01/1-02-1190/21 od 04.05.2021.godine)

Na 6.redovnoj sjednici Općinskog vijeća od strane vijećnika Čorbo Malik, postavljeno je pitanje koje se odnosi na dostavu podataka iz matičnog ureda općine Breza i to koliko je izdato smrtnih listova u periodu 01.04.2020.-01.04.2021.godine.

Uvidom u elektronsku bazu utvrđeno je da je u traženom periodu izvršen upis 234. činjenice smrti, a izdato je 339. izvoda iz matične knjige umrlih.

S poštovanjem,

Dostavljeno:
1x Naslovu
1x a/a

Pomoćnik načelnika
Meliha Beširević



Služba za privredu

Broj: 02/1-6-04-1289/21
Breza, 12.05.2021. godine

OPĆINSKO VIJEĆE BREZA -SLUŽBA OPĆINSKOG VIJEĆA -

Predmet: Odgovor na postavljenu vijećničku inicijativu:

Na sjednici Općinskog vijeća Breza održanoj dana 29.04.2021.god. vijećnik Malik Čorbo postavio je vjećničku inicijativu koju u cijelosti citiram: „Podnosim inicijativu da se napravi model po kojem bi se O.V. Breza zadužilo da u toku svake kalendarske godine se organizuje radna posjeta u svaku MZ na području Općine Breza. Rezultati tih posjeta trebali bi da budu evidentiranje problema u svakoj lokalnoj zajednici, te rješavanje gorućih problema koji okupiraju naše sugrađane. Takođe predlažem da najmanje jednom u tri mjeseca prestavnici svih MZ općinskom vijeću podnesu izvještaj o provedenim aktivnostima te planovima i projektima na kojima rade.“

U vezi pokrenute inicijative dajemo sljedeći odgovor:

Vaša inicijativa imat će punu podršku od strane organa Općine Breza. U narednom vremenskom periodu slijede izbori u svim MZ gdje će se birati novi predsjednici MZ i članovi savjeta MZ. Poslije završetka izbora u svim mjesnim zajednicama raditi ćemo na tome da Vaša inicijativa bude i realizovana.

S poštovanjem.

Obrađivač : Bureković Samir

Dostavljeno:

1 x Naslov

1 x Arhiva

Pomoćnik načelnika

Hasanspahić Salih



Služba za privredu

Broj: 02/1-8- 19-1130/21
Breza, 19.05.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje

U okviru vijećničkih pitanja na sjednici Općinskog vijeća Breza koja je održana 04.2021. godine, vijećnik Buljetović Čamil postavio je vijećničko pitanje, koje glasi:

„Čija je obaveza da sanira rupe nastale radom Komunalnog preduzeća u cilju saniranja kvarova na ulicama našeg grada. Smatram da je to ruglo i da pod hitno treba ići u realizaciju istog“.

U vezi postavljenog vijećničkog pitanja, dajemo sljedeći odgovor :

Radovi na javnim površinama mogu se izvoditi samo na osnovu Rješenja nadležne Općinske službe-Služba za prostorno uređenje, zaštiti okoliša, geodetske i imovinsko-pravne poslove, koje se izdaje po zahtjevu investitora, vlasnika ili upravitelja instalacije, koja treba da se ugrađuje, rekonstruiše ili sanira. Rješenjem se između ostalog utvrđuje obaveza dovođenja javne površine u prvobitno stanje nakon izvedenih radova. Jedan primjerak rješenja dostavlja se komunalnom inspektoru koji prati izvršenje rješenja.

Sve naprijed navedeno utvrđeno je u članu članu 38. Odluke o komunalnom redu, koji glasi:

Radi očuvanja javnih saobraćajnih površina zabranjeno je:

- bilo kakvo oštećenje javnih saobraćajnih površina ili objekata i uređaja koji su njihov sastavni dio,
- izvođenje bilo kakvih radova bez odobrenja nadležnog organa.

Komunalni inspektor izdat će rješenje za obustavu radova koji se izvode bez odobrenja i narediti dovođenje javne saobraćajne površine u prvobitno stanje.

Dostavljeno
1 x Naslov
1 x evidencija
1 x a/a

Pomoćnik načelnika
Salih Hasanspahić



Adresa: Bogumilska br.1 tel, centrala 032/786-020, 032/786-061
fax:., 032/786-041, 032/786-031
e-mail: privreda@breza.gov.ba, www.breza.gov.ba





Služba za prostorno uređenje, zaštitu okolice
geodetske i imovinsko-pravne poslove

Broj:04/1-5-19-1256/21
Breza, 17.05.2021. godine

**STRUČNA SLUŽBA OPĆINSKOG VIJEĆA
I OPĆINSKOG NAČELNIKA**
B r e z a

Predmet: Odgovor na viječničko pitanje.-

Na sjednici Općinskog vijeća Breza, održanoj 29.04.2021. godine, u okviru viječničkih pitanja, vijećnik Buljetović Čamil, postavio je viječničko pitanje koje se odnosi na promjenu rasporeda doniranih klupa.

Odgovor na postavljeno pitanje:

Ovoj Službi je dana 09.03. 2021. godine, Općinsko pravobranilaštvo Breza, zakonski zastupnik Općine Breza, podnijelo zahtjev za izdavanje urbanističke saglasnosti za postavljanje parkovskih klupa i kanti za otpatke.

Tačna pozicija i postavljanje parkovskih klupa i kanti za otpatke je određena Glavnim projektom šifre: GP-03-2021, izrađen od strane „Termobeton“ d.o.o. Breza.

Obzirom da je postavljanje doniranih parkovskih klupa i kanti za otpatke izvršeno na osnovu urbanističko-tehničkih uslova koji su navedeni u Rješenju o urbanističkoj saglasnosti broj: 04/1-5-19-650/21 od 25.03.2021. godine, a koji su dati na osnovu dostavljene projektne dokumentacije, to nije moguće mijenjati raspored postavljenih klupa.

Izrada:

Voditelj postupka:

Zekija Memić, dipl.prav.

Dostavljeno:
1x Naslovu
1x a/a

Pomoćnik načelnika

Selma Gazdić, dipl.ing. arh.



Služba za privredu

Broj: 02/1-8-19- /21
Breza, 20.05.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje i vijećničku inicijativu

U okviru vijećničkih pitanja na sjednici Općinskog vijeća Breza koja je održana 29.04.2021. godine, vijećnik Sokić Dževahid je ponovo postavio jedno vijećničko pitanje i pokrenuo jednu vijećničku inicijativu, a odnose se na postavljanje saobraćajne signalizacije na raskrsnici ulica „Stara pruga“ i „Kahve“ i postavljanje javne rasvjete u drugom dijelu ulice „Jezerska“.

U vezi postavljenog vijećničkog pitanja i pokrenute inicijative dajemo sljedeći odgovor :

Odgovori na postavljeno vijećničko pitanje i pokrenutu vijećničku inicijativu dati su na prošloj sjednici Općinskog vijeća Breza i isti su potpisani i ovjereni od strane nadležne službe. Ponovo navodimo da se radi o „Ulici“ (Stara pruga) kojoj nije riješen pravni status i da se u zemljišnim knjigama vodi kao zemljište u vlasništvu Željeznica Federacije Bosne i Hercegovine. Takođe, navodimo da je kroz godišnji program održavanja javnih cesta na području Općine Breza planirano na ime održavanja prometne signalizacije 5.000,00 KM i da će se obzirom na ograničena sredstva, prilikom izdavanja radnih naloga utvrđivati prioriteti, što ni u kom slučaju ne može biti saobraćajni znak koji je predmet vijećničkog pitanja („Nailazak na put sa prvenstvom prolaza“ iz pravca „Ulice Stara Pruga“).

Kada je u pitanju vijećnička inicijativa za postavljanje javne rasvjete u drugom dijelu ulice „Jezerska“ ponovo predlažemo da se uspostavi komunikacija ovlaštenih predstavnika zainteresiranih strana s ovlaštenim predstvincima Općine, u cilju utvrđivanja stanja i potreba na terenu na osnovu čega se mogu provoditi dalje mjere i aktivnosti.

Dostavljeno
1 x Naslov
1 x evidencija
1 x a/a

Pomoćnik načelnika
Salih Hasanspahić

